

ORTOGRAFIA FONOLOGIKO di A.J.MADURO

1. Lo mi kier a introdusí e dígrafo "gh" pa e fonema x. Ta uza e konsonante "gh" pa e fonema x, eksepto ora e ta pará dilanti di "e", "è", "i", "ù" òf na final di un palabra. Algun ehèmpel: -ghal, ghalblas, ghan, ègho, sghreft, sghùif. Drs. R.G.Römer ta skirbi tokante e punto aki den "Ontwerp van een Spelling voor het Papyamento": "Dat deze verschijnselen zich afspelen op een terrein dat slechts een gering deel van de bevolking regardeert (met uitzondering dan van "sjreft" en "sjüyf" en misschien noch enkele), kan niet als argument dienen om bij het ontwerpen van een spelling het probleem te negeren." Introdukshon di e konsonante "gh" no solamente ta kria e posibilidat pa skirbi palabranan ja eksistente (manera ghal, ghan etc.), ku no por wòrdo skirbí segun e ortografia Maduro, pero tambe pa skirbi palabranan ku den futuro kisas lo wòrdo tumá fo'i hulandés.
2. Mi ta proponé pa uza "j" en bes di "y". Mi ta kere ku e "j" lo wòrdo aseptá sosialmente mas lihé ku e "y" (W.A. Smalley, orthpgraphy Studies: Articles on New Writing Systems.) E "j" lo no trese ningun problema en relashon ku "zj" i "dj". Algún ehèmpel: jabi, jora, jojo, jüni, jeje.
3. Riba página 5 di e ortografia di señor Maduro ta pará lo siguiente: Rigurosamente lo meste skirbi èi i òu ku aksènt grave; pero ta suprimí e aksènt ei pa redusí na un mínimo signonan ortográfiko. P^{le} mes motibu no ta pone aksènt grave riba vokal "e" di e kombinashon er den sílaba inisial. Ta skirbi antó: kuerdè perdè berdè fiernu spiertu. Ta distingui si e omógrafonan: fuerte - fuèrtè (f 2, 50) sker - skèr ter - tèr. (Den e kaso di sker - skèr, ter - tèr no por papia di sílaba inisial, komo ku e palabranan aki ta monosílaba).

Si no ta pone aksènt grave riba vokal "e" di e kombinashon er den sílaba inisial, ke men ku den otro sílaba ku no ta inisial, ke men ku den otro sílaba ku no ta inisial si e "e" ta haña aksènt, manera p.e. den kòmèr, kòmpèr, hèn-tèr, frishidèr, lantèrna, djabièrna, dòpèrt, brazièr, sobèr-bè, gobièrno, reshèrsh, afèr. Ku otro palabra e regla ei ta inkonsekuente i inesesario i di e manera ei e ta hasi daño na e siñamento di e ortografia. (W.A. Smalley)

Señor Maduro ta skirbi ku no ta pone aksènt grave riba vokal "e" di e kombinashon er den sílaba inisial, pero si atrobe pa distingui e omógrafonan: fuerte - fuèrtè, sker - skèr, ter - tèr. Mi ta kere ku e regla aki tambe ta inesesario komo ku interpretashon di omógrafo ta wòrdo fasilitá dor di e konteksto semántiko i sintáktiko. Señor Maduro ta distingui solamente tres omógrafo, siendo Papiamento ta un idioma jen-jen di omógrafo, manera p.e. : mata, doden / plant - rifa, verloten/loterij - mula, slijpen / muilezel - debe, schuldig zijn / schuld etc. Mi no ta haña ku mester distingui omógrafo komo ku nos no tin problema tampoko ku "homofonen" (p.e. rei, raden - rei, koning - rei, rij) ora nos ta papia.

Mi ta proponé pa no pone aksènt grave riba e vokal "e" den kombinashon er, den ningún kaso. Di e manera aki e kantidat di aksèntnan ta wòrdo redusí, e ortografia ta bira mas konsekuente i ku menos eksepsjon inesesario, loke naturalmente ta fasilitá siñamento di e ortografia.

4. Mi ta proponé pa skirbi ap-, op-, sup-, i at- en bes di ab-, ob-, sub-, i ad-, komo ku segun mi p i t ta e realisashon promedio. Skirbiendo p i t no tin mesté di siña e palabranan ku den e kaso ku nan ta wòrdo skirbí ku b i d, fo'i kabés. Tokante e punto aki R.G.Römer ta skirbi den "Ontwerp van een spelling voor het Papyamento" lo siguiente : "Alnaargelang de omstandigheden spreekt men een variant uit van /p/ en /t/, of van /b/ en /d/. In zulke gevallen doet het er weinig toe welk foneem in de schrijfwijze wordt voorgesteld,..."

5 Reglanan pa uzo di aksènt skerpi (')

- A) Ningún palabra ku tin e entonashon prinsipal riba e penúltimo sílaba ta haña aksènt skerpi.
- B) Ningún palabra ku tin e entonashon prinsipal riba e último sílaba i ku ta kaba ku:
1. -at, -al, -on, -or òf -ut,
 2. òf ku un diptongo dekresiente,
 3. òf un triptongo, ta haña aksènt skerpi
- C) Den tur otro kaso ta skirbi un aksènt skerpi, ke men tambe e palabranan ku ta karga e entonashon prinsipal riba e antepenúltimo òf ante-ante-penúltimo sílaba ta haña aksènt skerpi.

Aklarashon di e reglanan mensioná aki riba :

Un investigashon riba 2000 palabra tokante entonashon a duna e siguiente resultado : 36,6% ta haña entonashon riba e último sílaba, 61,15% riba e penúltimo sílaba i 2,25% riba e antepenúltimo sílaba. A base di e investigashon aki a sali e regla ku no ta pone aksènt skerpi riba ningún palabra ku ta karga e entonashon riba e penúltimo sílaba.

Di e 36,6% di e palabranan ku ta karga entonashon riba e último sílaba, 10,05% ta terminá ku -at, -al, -on, -or òf -ut,. Tur palabra ku ta terminá riba -at, -al, -on, -or, -ut, tin entonashon riba e último sílaba.

P'e motibo ei no ta pone aksènt skerpi riba ningún palabra ku ta kaba ku -at, -al, -on, -or òf -ut.

Palabranan ku ta kaba ku -at, ta tur esunnan ku ta terminá ku -dat (felisidat) i -tat (difikultat). Algún otro ta : anisat, demokrat, notmeskat. Palabranan ku ta terminá ku -al ta p.e. pedal, semanal, prinsipal, natural, metal.

Palabranan ku ta kaba ku -on ta: tur esunnan ku ta terminá ku -shon, p.e. situashon, konklushon, selebrashon, formashon. Algún otro: karbon, tronkon, kabaron, kacheton, boton. Algún ehèmpel di palabranan ku ta terminá ku -or: bapor, editor, fabor, kalor, labor, temblor, eksterior.

Palabranan ku ta kaba ku -ut ta : tur esunan ku ta terminá ku -ut, manera aktitut, magnitut, birtut, aksaktitut, huben-

tut, sklabilitut, gratitut, multitut, ingratur. Algún otro ta vermut, hemut, debut.

Di e 36,6% di e palabranan ku ta karga entonashon riba e último sílaba, 12,5% ta terminá ku un konsonante i di e 12,5% , 10,05% ta terminá ku -at, -al, -on, or, -ut.

Di e 24,1% ku ta resta 3,05% di e palabranan ta kaba ku un diptongo dekresiente òf un triptongo. En total 25,75% di e 2000 palabranan ta haña aksènt skerpi

Un investigashon riba e mesun 2000 palabranan, skirbi segun e reglanan di ortografia Maduro, ta musta ku 23,6% di e 2000 palabranan ta haña aksènt skerpi. Komparando e resultado aki (23,6%) ku esun mensioná aki riba (25,75%) nos ta haña un diferencia di solamente 2,15% i fuera di esei e reglanan ku mi a proponé ta mucho mas facil ku esunnan di ortografia Maduro. Si nos trese e proposishon ku mi a hasi bou di punto 3, esta pa no pone aksènt grave riba e vokal "e" den kombinashon "er" den ningun kaso, aserka, anto e diferencia di 2,15% lo bira asta mas chiki- to ainda.

6 Mi ta proponé pa skirbi e numeralnan di e siguiente manera :

- a) Di 11 te 100 komo un palabra.
- b) Komo un palabra tambe 200, 300, 400, 500, 600, 700, 800, i 900.
- c) Tur otro kombinashon di numeral separá.

ehèmpel:

a) djeskuater	sinkuentiseis	b) doshen	seishen
djeseis	sesentishete	treshen	sheteshen
bintitres	sesentiocho	kuatershen	ochoshen
trintikuater	ochentinuebe	sinkoshen	nuebeshen
kuarentisinko	nobentidos		

- c) 186 shen i ochentiseis
- 2 491 dos mil kuatershen i nobentiun
- 6 700 800 seis mion sheteshen mil i ochoshen

Aklarashon :

papiamentu
voor beginners



Mijnheer, Mevrouw gaat U naar de Antillen? Koop dan een spoed cursus PAPIAMENTU. De taal van een land beheersen, betekent meer plezier tijdens Uw vakantie.

Te bestellen:

Antilliaans Informatie en Dokumentatie Centrum
Rozengracht 150
1016 NJ Amsterdam
Tel 020 - 251372
Prijs: Nfl. 10, -- + Nfl. 3, -- (porto)
Postgiro : 33 82 798

papiamentu
voor beginners

Mener, Señora, Regalá bo konosínan ku no por papia Papiamentu ainda un regalo util. Un bon buki pa nan siña Papiamentu. Un regalo pa tur okashon.

Optenibel na:

Antilliaans Informatie en Dokumentatie Centrum
Rozengracht 150
1016 NJ Amsterdam
Tel 020 - 251372
Preis: Nfl. 10, -- + Nfl 3, -- (porto)
Postgiro : 33 82 798

Un investigashon riba 2000 palabra ta musta ku 0,2% ta konsistí di 6 òf mas sílaba (komo promedio kada palabra ta konsistí di 2,71 sílaba). A base di e investigashon aki a traha e reglanan ku numeran di 11 te 100 i 200, 300, 400 etc. ta skirbi komo un palabra i tur otro kombinashon di numeral separá.

Bentaha di e solushon mensioná ta : komo ku ningún kombinashon di numeral ku ta skirbi komo un palabra ta konsistí di mas ku sinko sílaba, nos no ta haña palabranan demasiado largo ku lo por trese problema tanto den skirbimento komo den lesamento.

7) Pa trese uniformidat den e ortografia mi ta proponé lo siguiente :

A)

Pa laga e posibilidat ku por skirbi un kombinashon di numeral ku "e", manera por ehèmpel trinteseis, kuarentedos, afo. Ku otro palabra uza e forma ki "i" so, komo ku esei ta e forma lógiko i komo ku no ta na tur tres isla ta pronunsiá e "e" den tal kombinashon (ortografia Maduro página 13).

B)

Pa skirbi tur e nòmbernan geográfiko ku ta kai bou C segùn e ortografia, esta no laga e posibilidat di por skirbi un nòmber geográfiko na dos manera (ortografia Maduro página 14).

8) Mi ta proponé pa agregá na kapitulo XII e siguiente kontrakshon,

mi no a bai	- mi n' bai
bo no a kome	- bo n' kome
nos no a sali	- nos n' sali

pasobra segùn mi ta trata di un kontrakshon bastante importante, komo ku ful un palabra, esta e ouksiliár temporal pasado "a" ta wòrdo eledí.

9) Mi ta haña importante pa pone e siguiente punto (tumá di R.G.Römer) den e ortografia :

Palabranan ku ta wòrdo formá dor di ripitishon eksakto di un palabra òf forma ku tin e zonido igual, ta skirbi ku guion, por ehèmpel :

maron-marón
dushi-dushi
pata-pata

Den otro kaso unda tin ripitishon di un palabra òf forma ku
no tin zonido igual, ta skirbi :

kachikachi
pegapega
wiriwiri

★
M. Dijkhoff

Bibliografia

Berry, J. "The Making of Alphabets 'Revisited', den
J.A.Fischman (ed), Advances in the Creation and Revision
of Writing systems. The Hague - Paris 1977

Maduro, A.J. Ortografia Fonológiko (revisá). Kòrsou 1976

Römer, Drs. R.G. Ontwerp van een spelling voor het
Papyamento.

Smalley i. o., W.A. Orthography Studies : Articles on
New Writing Systems. London 1964. ★

